

ისტორია და რელიგია

მედია ბურდული

სამხედრო მომსახურება ქსნის ხეობაში დარჩენილ და იძიღან დევნილ მოსახლეობაში

2013-14 წლებში საკითხის კვლევისათვის საველე-ეთნოგრაფიული მუშაობა ჩატარდა, როგორც დევნილთა კომპაქტურად ჩასახლების ადგილებში (წეროვანი, წილკანი, ფრეზეთი), ისე ახალგორში დარჩენილ მოსახლეობაში. ცნობილია, რომ საომარ მოქმედებაში მოხვედრილ ადამიანებს გახანგრძლივებული სტრესი ახასიათებთ, რასაც ემატება საცხოვრებელი ადგილის შეცვლითა და ცხოვრების ახალი წესებით გამოწვეული ხანგრძლივი ემოციური დაძაბვა უკვე დევნილობაში, რაც ამძიმებს ფსიქო-ნევროლოგიურ ფონს, ეს კი დევნილთა ჯანმრთელობის მდგომარეობას აუარესებს.

როგორც ეთნოგრაფიული მასალიდან, ისე სამედიცინო დაწესებულებიდან ადებული მონაცემებიდან ჩანს, დევნილ მოსახლეობაში მომატებული ფსიქო-ნევროლოგიური ფონის გამო გახშირებულია ისეთი დაავადებების რიცხვი, როგორიცაა: ნევროზი და დეპრესია. ზემოაღნიშნული დაავადებები უფრო მეტად აწუხებთ 30-50 წლამდე ასაკის ადამიანებს, სავარაუდო 10 ადამიანიდან, რომელთაც ეს დიაგნოზი დაუსვეს, 8 არის ამ ასაკისა და მათ შორის უმეტესობა მამაკაცია. აღსანიშნავია, რომ ამ მიზეზით დაფიქსირებულია სამი სუიციდის შემთხვევა. ჯანმრთელობის თვალსაზრისით უკეთესი მდგომარეობა არც ხეობაში დარჩენილ მოსახლეობაშია.

2008 წლის ომის შემდეგ შეიდი წელი გავიდა, ფსიქო-ნევროლოგიური ფონი კი არ კლებულობს. ბოლო გამოკვლევების მიხედვით, მომატებულიც კია; ამისთვის მრავალი მიზეზი არსებობს, მაგ; პირველად ყველას მიანიჭეს დევნილის სტატუსი, ახლა ხდება ამ სტატუსის გადამოწმება. საკმარისია 2008 წლის აგვისტოს თვეში სადმე მუშაობა ან ყოფნა დაუფიქსირონ, რომ უხსნიან დევნილის სტატუსს. მაგ; ჩაწერილია ახალგორში, აქვს ახალგორის პირადობის მოწმობა, მაგრამ 2008 წლის აგვისტოში არ იმყოფებოდა ახალგორში, უხსნიან დევნილის სტატუსს. იქ დარჩენილებს კი „ულაპარაკოდ აძლევენ დევნილის სტატუს“, – წესან წეროვანში ჩასახლებული

დევნილები. მათი შეშფოთება გასაგებია, ვინაიდან დევნილის სტატუსზეა მიმღელი ყველაფერი: ბინა, სოციალური ოუდევნილის დახმარება და ა.შ. ცხინვალის მხარეც აღარ აძლევს ყველას შესასვლელ საბუთს. ადრე უფრო ბევრი შედიოდა, ბევრს ჰქონდა საბუთი, ახლა ნახევარსაც აღარ აქვს. ადრე უფრო იმედი ჰქონდათ მდგომარეობის გამოსწორებისა, რაც დრო გადის, ეს იმედიც ეწურებათ. მას უმატება უმუშევრობა და სხვ.

როგორც ეთნოგრაფიული მასალიდან ჩანს, პირველ წლებში დევნილთა ჯანმრთელობაზე უფრო მეტად ზრუნავდნენ, ბევრი პროგრამა მუშაობდა: იტალიის რვათვიანი პროექტი; ჩეხეთის სამწლიანი პროგრამა; მამოლოგიური გამოკვლევების პროგრამა, რის ფარგლებშიც პერიოდულად ჩადიოდნენ ექიმები. გარკვეულ დახმარებებს ახლაც უწევენ. დღესდღობით ტარდება ერთჯერადი აქციები, სხვადასხვა დარგის ექიმთა ბრიგადები ჩადიან დევნილთა კომპაქტურ დასახლებებში და მოსახლეობას უტარებენ გამოკვლევებს. ამ დონისძიებებს ატარებენ სახელმწიფო და არასამთავრობო ორგანიზაციები. სამედიცინო ბრიგადების დასახლებებში ვიზიტის შესახებ მოსახლეობას წინასწარ აცნობებენ. წლების მიხედვით ჯანმრთელობის დაცვის სამინისტროსა და სხვადასხვა არასამთავრობოთა მიერ განხორციელებული მუშაობის ჩამონათვალი ასე გამოიყერება:

„დევნილთა ერთჯერადი სამედიცინო გამოკვლევა და დახმარება დააფინანსეს საერთაშორისო ორგანიზაციებმა, რომლის განხორციელებისათვის ექიმთა კვალიფიკაციური ბრიგადა ეწვია წეროვანს. მათ გამგეობის შენობაში მიიღეს სხვადასხვა პროფილის 100-დე პაციენტი, რომელთაც წამლები გამოუწერეს და გადასცეს“ („ახალგორი“, 2013). მაგ; 2013 წლის 7 ივნისს სხვადასხვა დარგის ექიმთა ბრიგადებმა გამოიკვლიეს დევნილთა ჯანმრთელობის მდგომარეობა. 2015 წლის 19 იანვარს ახალგორის მუნიციპალიტეტის შენობაში, ჯავრიშვილის თვალის კლინიკის სპეციალისტების მიერ დევნილი მოსახლეობიდან 150 ადამიანს ჩაუტარდა თვალის ფსკერის სიღრმისეული გამოკვლევა, რის შემდეგაც დადგინდა, რომ რამდენიმე ადამიანს სჭირდება თვალის ოპერაცია, რომელსაც სახელმწიფო დააფინანსებს.

2014 წლის 9 ოქტომბერს ჯანდაცვის სისტემის გამართული მუშაობისათვის ახალგორის მუნიციპალიტეტს უკრთჟლი სარ-

დღობის (შეიარაღებული ძალების) და აშშ საელჩოს ერთობლივი საჩუქარი – რეანომიბილი გადაეცა.

2014 წლის 23 დეკემბერს ახალგორის რაიონულ პოლიკლინიკას ჯანდაცვის სამინისტრომ გადასცა ორი სასწრაფო დახმარების მანქანა.

დეკნილებისა და, შესაბამისად, სამედიცინო დაწესებულების ყველაზე დიდი გასაჭირია წამლები. ადრე, დეკნილობის პირველ წლებში, პოლიკლინიკას ჰქონდა პირველადი დანიშნულების წამლები და ავადმყოფებს უფასოდ აძლევდნენ, დღეს უკვე ეს შესაძლებლობა აღარ არის.

„ეხლა პირველადი დახმარების წამლები აღარ გვაქვს. ავადმყოფი რომ შემოვიდეს და ავად გახდეს მე ნიშადურის სპირტიც არა მაქვს (თუ მე არ ვიყიდე), რომ მოვასულიერო. ჩვენ შევდივართ სპეცდაფინანსებაში, სხვა არანარი ხელფასის მომატებაზე ლაპარაკი არ არის. ზოგადად არა ვჭირდებით, გვეუბნებიან, ორ ნაბიჯზეა მცხეთა ჩაბრძანდით და იმკურნალეთ იქმ. არც ჩვენი პოლიკლინიკა და არც ქურთის საავადმყოფო, და სასწრაფო არ სჭირდებათ. იმ დაფინანსებით გვინახავენ რაც არის. მოჭრილი ხელფასია, რომელსაც არაფერი არ ეხება არც მომატება, არც დაკლება“ (წეროვანის ამბულატორიის ექიმის ნაამბობი).

„ლტოლვილის სტატუსი გვაქვს, მაგრამ წამლები უფასო არ გვაქვს, ახალჩამოსულები რომ ვიყავით მაშინ გვაძლევდნენ, ეხლა აღარ“; „იქ ავადმყოფობა არ იცოდნენ ჩემმა შვილებმა, ეხლა კი სულ ავად მყავს. აქ ჭაობია, სულ წყალი დგება, ყოველ წვიმაზე იტბორება“ (ყანჩევეოთიდან დეკნილები).

უსიქო-ნევროლოგიური ფონის გამო მომატებულია დიაბეტის შემთხვევებიც. ამ დაავადების რიცხვის მომატება გამო-წვეულია სხვადასხვა ფაქტორით: სტრესით, გადაღლილობით, კვებისა და ძილის რეჟიმის დარღვევით და სხვ. მაგ., შიშის ფაქტორით, იყო შემთხვევა, როდესაც ერთ მეზობელს შეუვარდნენ შეიარაღებული ადამიანები (ახალგორში) და მეზობლის ბავშვს დაემართა დიაბეტი.

ახალგორის რაიონში არ იყო ასეთი მრავალრიცხოვანი დასახლებები, როგორც დეკნილთა დასახლებებია – წეროვანი, წილკანი და ფრეზეთი – მომატებულია ბავშვთა ინფექციური დაავადებები – წითელა, ჩუბჩვავილა. წეროვანის საბავშვო ბაღში დადის ოთხასზე მეტი ბავშვი და, ბუნებრივია, ამ

დაავადებათა გადამდები ხასიათის გამო იგი ბავშვებში სწრაფად ვრცელდება.

გაზრდილია ონკოლოგიური პაციენტების რიცხვი, შესაბამისად მომატებულია ონკოლოგიური დაავადებებით გამოწვეული სიკვდილიანობა. ქალებში მკერდის მამოლოგიურმა გამოკვლევებმა აჩვენა, რომ ყოველი გამოკვლეული ათი ქალიდან 2-3-ს სჭირდებოდა ქირურგიული ჩარევა, პაციებში კი ფილტვების სიმსიფხეა ყველაზე მეტად გავრცელებული. წეროვანში დევნილთა დასახლებებში მოიმატა ჩიუვით დაავადებულთა რიცხვმა. ახალგორში, როგორც მაღალმოიან რეგიონში, წელიწადში ერთხელ რიგდებოდა ჩიუვის სამკურნალო წამლები. იოდის ტაბლეტები ბავშვებს აუცილებლად უნდა დაელიათ. აქ ეს დონისძიებები აღარ ტარდება.

ლტოლვილებს დღეს აქვთ საყოველთაო დაზღვევა, ისევე, როგორც საქართველოს ყველა მოქალაქეს, ჩვეულებრივი, არაფრით განსხვავებული, არადა აქ ნევროზი და სტრესი ჩვეულებრივი მოვლენაა, ამის მკურნალობის ანაზღაურება კი არ შედის პოლისში. „ჩვენთვის არჩევანიც არ არის დაშვებული, აუცილებლად მცხეთაში უნდა ჩავიდეთ. წეროვანიდან პირდაპირი რეისი არ არის მცხეთამდე, რაც ძალზე მოუხერხებელია“ (წეროვანის მასალა).

მომატებულია ალერგიული დერმატიტი და ალერგიული ბრონქიტი, განსაკუთრებით ბავშვებსა და ახალგაზრდა ასაკის ადამიანებში, გარდა მომატებული ფსიქო-ნევროლოგიური ფონისა, ახალი კომპაქტური დასახლებების განსხვავებული გეოკლიმატური გარემო და საცხოვრებელი პირობები გარკვეულ დაღს ასევე მათ ჯანმრთელობას. იმატა კარდიოლოგიური ხასიათის დაავადებებმაც და ამ მიზეზით გამოწვეული სიკვდილიანიბის რიცხვმაც.

მოიკლო ზოონოზური დაავადებების რაოდენობამ (ბრუცელოზი, ჯილები), რაც, ბუნებრივია, გამოწვეულია იმით, რომ დევნილ მოსახლეობას არ აქვს საშუალება მისდიოს თავის ერთ-ერთ ძირითად სამკურნეო საქმიანობას - მესაქონლეობას.

ახალგორში დარჩენილი მოსახლეობის სამედიცინო მომსახურების სურათი 2008-2014 წლებში ასეთია: ახალგორში ფუნქციონირებდა და დღესაც მოქმედებს რაიონული პოლიკლინიკა და საავადმყოფო. საავადმყოფოს ყოფილი მთავარი ექიმი ზ. არგიევი 2011 წელს ასე ახასიათებს ახალგორში არსებულ ჯანმრთელობის დაცვის სისტემას: საავადმყოფოს ესაჭიროება

კაპიტალური რემონტი, არ არის სამუშაო პირობები, არ ჰყოფნით ექიმები: პედიატრები, სტომატოლოგები. სტომატოლოგი ცხოვრობს წეროვანში და კვირაში მხოლოდ ორი დღე ჩამოდის, რაც საქმარისი არ არის. ექიმები „გემსახურებით ყველას, ეროვნების მიუხედავად, ბოლო ცხრა თვეში მოვკემსახურეთ 193 პაციენტს. მედიკამენტების მხრივ პრობლემა არ არის, გვაქვს ყველა საჭირო მედიკამენტი“.

2011 წლისათვის ახალგორში გაარემონტეს საავადმყოფოს შენობა. შენობის რემონტი ჩაატარა რუსეთს დაქვემდებარებულმა საიჯარო-სამშენებლო ორგანიზაციამ „Дагстroi“, ძირითადი სპეციალისტები ჩამოვიდნენ დაღესტნიდან.

2012 წლის 19 ივნისს ახალგორის საავადმყოფოს რემონტის მიმდინარეობა შეამოწმა რუსეთის უშიშროების საბჭოს დელფინიამ. დელფინიას ხელმძღვანელობდა საბჭოს მდივნის მოადგილის ნურგალიევი. მთავარმა ექიმმა მას მიაწოდა ინფორმაცია, რომ სარემონტო სამუშაოები გარკვეულწილად უხარისხოდ მიმდინარეობს, ასევე აღნიშნა, რომ საავადმყოფო კადრების უცმარისობასა და საოპერაციო ბლოკში სამედიცინო აღჭურვილობის დეფიციტს განიცდის (Internet.ge).

2012 წლის 6 ივნისს რუსეთის დელფინია, - რუსეთის უშიშროების საბჭოს მდივნის მოადგილე რაშიდ ნურგალიევი და პუტინის თანაშემწევე ოკუპირებული რეგიონების სოციალურ-ეკონომიკური განვითარების საკითხებში ტატიანა გოლიკოვა კვლავ აწერდა ერთგულ ახალგორს და დაათვალიერეს ახალგარემონტებული შენობა. საავადმყოფოს დირექტორმა კმაყოფილება გამოითქვა ჩატარებული სამუშაოების გამო და პროდლემად მხოლოდ შესაბამისი აპარატურის არქონა დაასახელა. მოსკოველმა მაკონტროლებლებმა კი ახალგარემონტებული საოპერაციო განვითარებული დაიწუნეს და განაცხადეს, რომ „ის, ტექნიკური პარამეტრებით, დასახული მიზნებისათვის უვარესია“ (Internet.ge). აქვე აღნიშნავთ, რომ შესაბამისი სამედიცინო აპარატურა დღესაც არ არის ახალგორის საავადმყოფოში, მაგ. რენტგენის აპარატი.

ახალგორში კვალიფიციური სამედიცინო დახმარების მიღება რომ შეუძლებელია, მას არც თსური მხარე უარყოფს: „როცა ვსაუბრობთ სამედიცინო მომსახურების ხარისხზე საქართველოში, არ შეიძლება არ შევაფასოთ ქართველი ექიმების დამსახურება. დღესდღეობით პაციენტებს მაღალკვალიფიციური სამედიცინო დახმარების მიღება შეუძლიათ როგორც

თბილისში, ისე საქართველოს სხვა ქალაქებშიც. ლენინგრადში კი ამ მხრივ მძიმე სიტუაციაა. რასაც ადასტურებს პაციენტების ხშირი გამგზავრება თბილისის მიმართულებით. ზოგიერთი დაავადების მქურნალობა კი არათუ ლენინგრადში (მაგ. შაქრიანი დიაბეტის), ცხინვალშიც შეუძლებელია“ (კოტავა, 2011: 59).

რაიონში მუშაობს სასწრაფო სამედიცინო დახმარება. ზ. მარგიევი მუშაობს სასწრაფოს ექიმად, მისი თქმით, დღეში ათამდე გამომახებაზე უწევთ გასვლა. აგრეთვე, იმ სოფლებში სადაც დარჩენილია მოსახლეობის გარკვეული რაოდენობა, გახსნეს სამედიცინო სასოფლო ამბულატორიები, დაუშვეს ექნის შტატი და მოამარაგეს პირველადი საჭიროების მედიკამენტებით. მაგ; ასეთი სამედიცინო დაწესებულება მოქმედებს სოფელ ახმაჯში, მაგრამ აღსანიშნავია, რომ თითქმის კველა მძიმე და ქრონიკული დაავადების პაციენტი გადმოჰყავთ თბილისში ან მცხეთაში სამკურნალოდ. „ადრე ასე იყო, პაციენტი ქართულ საგუმავომდე მოჰყავდა ახალგორის სასწრაფო დახმარების მანქანით, იქ ხდებოდა ჩვენი (წეროვანის) სასწრაფო და ასე გადმოგვყავდა, ეხლაც გადმოჰყავთ, მაგრამ ერთი პერიოდი ძალიან გააძმაცრეს ავადმყოფების გადმოყვანა, ბოლო დროს რამდენიმე შემთხვევა დაფიქსირდა ავადმყოფის ცხინვალში გადაყვანისა. მაგრამ იქაურებს, ახალგორელებს, არც ოსებს არ უნდათ ცხინვალში წასვლა სამკურნალოდ. კველა გართულებული შემთხვევაში, ოსიც და ქართველიც, გადმოდის თბილისში სამკურნალოდ“.

„კველანაირი ავადმყოფები გადმოჰყავთ, მაგ.: წითელებით დაავადებული ბავშვი; გულის უცმარისობით ავადმყოფი; კუჭის ტკივილით, მოტეხილობით, კველანაირი პრობლემატური ავადმყოფი გადმოჰყავთ. აღბათ თავს იზღვევენ, რომ არ გაურთულდეთ. სავადმყოფო გაარემონტეს, პირობები აქვთ, თუ იქ დაწება ავადმყოფი წამალსაც უფასოდ აძლევენ და კვებაც უფასოა, უვლიან, კარგი პირობები აქვთ, მოხუცები სპეციალურად წებიან. იმიტომ, რომ ძირითადად ჩვენი ექიმებია, ვინც ომამდე მუშაობდა, ოთხი ექიმი შეიცვალა მარტო. ამიტომ უფრო ენდობიან, თორემ ჩამოსული, ახალი ექიმები რომ იყვნენ, შეიძლება არც მისულიყვნენო“, - (გადმოგვცემენ მთხრობელები).

ზოგიერთი ექიმი აგრძელებს მუშაობას ახალგორშიც და წეროვანის პოლიკლინიკაშიც. როგორც გადმოგვცეს, ბოლო

დღოს ადგილობრივი (ქართული) ხელისუფლება უკუნტბს მოთხოვნას აირჩიოს ერთ-ერთი ადგილი, ან „აქით“. ან „იქეთ“, ჩვენი აზრით, საკითხის ასე დასმა არასწორია დღვევანდელ შექმნილ სიტუაციაში, თორემ „ზოგადად ალბათ არ უნდა იყოს იქაც და აქაც. ახლა ჩემი გადასახედიდან რომ დედა მყავს იქ, მინდა რომ იქაც იყოს ჩემი ნაცხობი ექიმი, იქ მირითადად ასაკიანი ხალხია დარჩენილი და აგად რომ ხდებიან, ამათ გადმოჰყავთ სასწრაფოთი, კველა უპატრონო მოხუცი ამათ იმედზეა. ესენი (ექიმები მ. ბ.) არიან პატრონები, აბა პატრონები ახალგორში ვერ შედიან“ (წეროვანის მასალა).

ეთნოგრაფიული მასალის მიხედვით ახალგორში დარჩენილი მოსახლეობა ძალიან ემადლიერება ექიმებს, ქართველებსაც და ოსებსაც, მათი საქმიანობა ნამდვილად დასავასებელია: „საავადმყოფო კარგად გაარემონტეს, მთავარი ექიმი ცხინვალელია, ძალიან კარგი ქალია ლიდა პქვია არ არჩევს ავადმყოფი ქართველია, ოსია, მკურნალობა უფასოა, ასევე საჭმელიც. აქ ხომ ეგრე არ არის. სულ ძეგლი წესით მიღის მაგათან ყველაფერი, კომუნისტების დროს რომ იყო ისე. საავადმყოფოში კარგი კვებაა ვისაც ცოტა რამე წამოსტკივა მიდიან და წევბიან საავადმყოფოში, გადიან იოლას“ (ახალგორის მასალა).

„ავად გავხდი სასწრაფო გამოვიძახეთ ახალგორიდან, წნევა მეონდა ძალიან მაღალი, მაშინვე ნემსები გამიკეთეს. წამიკვანეს ახალგორის საავადმყოფოში, მე უარზე ვიყავი, იქიდან თბილისში როგორ წავიდე-მეთქი. ნე გეშინიაო, მითხრა ექიმმა, ამაღამ საავადმყოფოში მეყოლები, ხვალ დილას დავურეკავ შენ პატრონებს, ჩაგიყვან ქართველების პოსტამდე და იქიდან წაგიყვანენო. ძალიან კარგად მექცეოდნენ, ოსებიც მუშაობენ და ქართველებიც საავადმყოფოში. პალატა ძალიან სუფთად არის მოწყობილი, საავადმყოფო გაარემონტეს. ექიმმა უთხრა ექთნებს რა უნდა გაეკათებინათ, საპირფარეშოშიც ვერ გავდიოდი დამოუკიდებლად. ერთი საათის შემდეგ მოვიდა კიდევ ექიმი და გამსინჯა. ოსური მხარის ადმინისტრაცია ამკაცრებს ავადმყოფების გადმოყვანას.... ავადმყოფის ფურცელზე მთავარმა ექიმმა უნდა დაარტყას ბეჭედი, რომ მას სჭირდება პოსპიტალიზაცია, და ვინაიდან იმ დღეს მთავარი ექიმი ცხინვალში იყო, სასწრაფოს ექიმი მივიდა რუსების სამხედროების ბაზაში და სთხოვა ნებართვა რომ ასეთი მძიმე ავადმყოფია და აუცილებლად უნდა გადავიყვანოთ“ (ახმაჯის მასალა).

აღნიშნული ნებართვა აუცილებელია ნებისმიერი პაციენტის გადმოსაყვანად.

„როცა კი გამოიძახებენ სასწრაფო დახმარება მოდის, მაგრამ სასწრაფო დახმარების მხოლოდ ერთი მანქანა ემსახურება მთელ ხეობას, და ამიტომ შეიძლება დააგვიანოს. ხდება ისიც, რომ ადგილზე სამედიცინო დახმარების გაწევა ვერ ხერხდება და ვერც სასწრაფო დახმარების მანქანით გადმოიყვანეს საბუთის არარხებობის გამო. მაგ; ახმაჯში მოხდა ასეთი შემთხვევა, ქალი ჩამოვარდა ხიდან და ბეჭის ძვალი გაუტენდა, სასწრაფო გამოიძახეს, ჩავიდა მაგრამ საავალმყოფოში არ წაიყვანეს, იმ მიზეზით, რომ არ გვაქვს იმის საშუალება, რომ შენ ახალგორში გიმპურნალოოთ. ქართველების პოსტამდე ვერ მიგიყვანო რადგან საბუთი არა გაქვს და საზღვარზე ისე ვერ გადაგიყვანოთ. ქალის პატრონებმა ღამით, ჩუმად საკაცით გადმოიყვანეს ე.წ. საზღვარზე“ (ახმაჯის მასალა).

ახალგორის რაიონის ყველა მოსახლეებს, ლეხურის ხეობის ოსური სოფლების ჩათვლით საქართველოს მთავრობამ მისცა ჯანმრთელობის დაცვის პოლისი. „ასევე ყველა იმ (ოკუპირებულ ტერიტორიაზე) ოსური სოფლების მაცხოვრებლებს, რომ-ლებსაც არაფერი შექმებიათ სასწრაფო წესით შეგვავსებინეს პოლისები და გაგვაგზავნინეს, რომ იმათ უნდა ჰქონდეთ პოლისით. ჩვენ შევავსეთ და გავუგზავნეთ“. ამიტომ ასური მოსახლეობა სარგებლობს ამ შეთავგზებით – „მე მქონდა ასეთი შემთხვევა, სამსახურში პოლისებს განვკარგავ, ჩემთან მოვიდა კაცი ქართული არ იცოდა, ნათესავი მოჰყევა, იმიტომ რომ ის ოდესალაც ლენინგრორში ცხოვრობდა პოლისი მისცეს. არავინ დაუტოვებიათ პოლისის გარეშე ვინც ოდესაც ახალგორში ცხოვრობდა და წასულია ჩრდილოეთ ოსეთში“ (წეროვანის საველე მასალა). როგორც მთხოვობელები გადმოგვცემენ მათთვის (არა მარტო ახალგორის რაიონში დარჩენილი ოსებისთვის, არამედ ზოგადად, ცხინვალის რეგიონის მაცხოვრებლებისათვის) შედარებით გაიოღებულია სამედიცინო მომსახურების მიღება, ვიდრე ლტოლვილთათვის: „ცხინვალიდან რომ ჩამოდიან უპრობლემოდ მაშინვე უფინანსებენ მკურნალობის ხარჯებს, ოპერაციას, მაგრამ მე (ლიახვის ხეობიდანაა დევნილი) დამჭირდა ცხვირზე ოპერაცია და „რკინის ქალამნები“ ჩავიცვი, რომ დაფინანსება მიმედოო. ყველაფერს ხომ პოლისი არ აფინანსებს“. (წეროვანის მასალა).

ასეთი ფაქტები ძალიან ადიზიანებს მოსახლეობას, „მაშინ როდესაც ცხინვალიდან ჩამოსულს ყველაფერი გამზადებული ხვდება, მე გამიჭირდაო“ ასეთი მიღომა მკურნალობის დროს, რბილად რომ ვთქვათ, არასწორია და ქართულ-ოსური ურთიერთობის ნორმალიზებას ხელს ვერ შეუწყობს. ბუნებრივია, ცხინვალის და ახალგორის მაცხოვრებლები საქართველოს მოქალაქეები არიან და მათაც ისევე უნდა ისარგებლონ საყოველთაო დაზღვევის პროგრამით, როგორც ყველა ლტოლვილმა, მაგრამ ყველამ თანაბრად. ზოგადიდ კი, შეიძლება ითქვას, რომ საქართველოს მთავრობის პოლიტიკა ოკუპირებულ ტერიტორიაზე დარჩენილი მოსახლეობის მიმართ, რა თქმა უნდა, გამართლებულია, „ეს, როგორც ჩვენი მთავრობა ამბობს, – ოსებსა და ჩვენს შორის ნდობის აღდგენას შეუწყობს ხელს. შედეგი ალბათ ერთადერთი შეიძლება იყოს, ის, რომ ახალგორში არ მომხდარა ქართველებისა და ოსების წახსულება. ვერ აჩხუბეს და ვერ გამოაყრუვინეს სამსახურიდან ქართველები ოსებს. მნიშვნელოვანია აღინიშნოს, რომ ჩემი მეზობლის სახლში აპირებდნენ ჩამოსული ოსები შესვლას, შევიდა ოსის ქალი და უთხრა, რომ ჩემია ეს სახლი და ვერ შეგიშვებოთ“ (წეროვანის მასალა).

როგორც აღვნიშნეთ, ძალიან ბევრი ცხინვალიდან და ვლადიგავაზიდანაც ჩამოდის სამკურნალოდ. „პირველად თბილისში სამკურნალოდ შარშან ჩამოვედი. კუჭის ოპერაცია მქონდა გასაკეთებული. არადა მშობლებს წინააღმდეგობას ვუწევდი. მეშინოდა ქართველების, მეგონა, გაიგებდნენ, რომ ოსი ვარ და, სულ მცირე, შეურაცხყოფას მომაყენებდნენ, თუმცა გამაოცა თბილმა დახვედრამ და იმან, რომ პირიქით განსაკუთრებულ ყურადღებას იჩნდნენ ჩვენ მიმართ. მას შემდეგ თბილისში ხშირი სტუმარი ვარ“ (ვალიევა, 2015).

ოფიციალური ინფორმაციით „ცხინვალელთა დიდი ნაწილი სამკურნალოდ თბილისში ჩამოდის. მათ ვლადიგავაზშიც შეუძლიათ წახსვა, თუმცა, თბილისში უფრო კვალიფიციური დახმარების იმედი აქვთ, და მეორე – ისინი, როგორც ოკუპირებულ ტერიტორიაზე მცხოვრები, შედავათებით სარგებლობენ. 2014 წელს ცხინვალიდან თბილისში სამკურნალოდ 400 კაცი ჩამოვიდა.

ფაქტია, რომ ოკუპირებული ტერიტორიის მოქალაქეებს აქვთ თბილისში მკურნალობის სურვილი, ამას ქართული

მხარე ვერ აიძულებს, ძალით ხომ ვერ ჩამოიყვანს სამკურნალოდ.

ბუნებრივია, რომ ცხინვალის ხელისუფლებას არ მოსწონს, ოკუპირებული ტერიტორიიდან ავადმყოფების სამკურნალოდ თბილისში ჩამოსვლა. ე.წ. „სამხრეთ ოსეთის რესპუბლიკის“ დე ფაქტო პრეზიდენტი ლეონიდ ჩიბიროვი თვლის, რომ ამის საჭიროება არ არსებობს და მათ (ავადმყოფებს) აღგილზეც შეუძლიათ კვალიფიციური სამედიცინო მომსახურების მიღება.

2015 წლის 4 მარტის რადიო „თავისუფლების“ გადაცემაში მოყვანილი იყო ცხინვალის დე ფაქტო პრეზიდენტის ლეონიდ ჩიბიროვის შეშფოთება ზემოაღნიშნულთან დაკავშირებით. ძალოვან სამინისტროებსა და უწყებების ხელმძღვანელებთან შეხვედრისას აღნიშნა, რომ „არც იქ არიან დმერთები, არ შეიძლება უკარავად და ნაწლავური ინფექციებით დაავადებული ხალხის გაგზავნა, თითქოს ეს მოურჩენელი იყოს“.

მაგრამ ცხინვალში ჯანდაცვის საქმე რომ არ დგას სათანადო სიმაღლეზე, აღნიშნულ ინტერვიუში მინისტრის შემდეგი სიტყვები მეტყველებს: „აუცილებელია, რომ ჩვენ განვაკითაროთ საკუთარი მედიცინა, ავაშენოთ ცენტრები, მოვიზიდოთ სპეციალისტები. ჩვენ უპირვე აქტიურად ვაკეთებთ ამას – იწყება თანამედროვე ცენტრის შექნებლობა, შესაბამისი აღჭურვილობით, გაგრძელდება მუშაობა სხვადასხვა პროფილის სპეციალისტების მოზიდვისა და გადამზადების მიმართულებით“. (კუნტულია. 2015); მაგრამ სანამ ეს მოხდება, ადამიანები ავადხდებიან, მათ დახმარება დღეს სჭირდებათ.

რადიო „თავისუფლებას“ ინტერვიუ მისცა აგრეთვე სამხრეთ ოსეთის დროებითი აღმინისტრაციის ჯანდაცვისა და სოციალური უზრუნველყოფის სამსახურის უფროსმა თამაზ ბესტავმა, რომელმაც აღნიშნა: შარშან, 2014 წელს, 400-დე პაციენტი იქნა გადმოყვანილი, როგორც „წითელი ჯვრის“ მიერ, ასევე თვითდინებით. ზოგი გეგმური და ზოგიც გადაუდებელი შემთხვევა იყო. ბევრი შემთხვევა იყო არასწორად ნამკურნალევი ადამიანისა, იქ დასმული არასწორი დიაგნოზებით და ა.შ. თუმცა მასშტაბური დახმარებით სარგებლობა ყველას არ შეუძლია. ოპუბირებული ტერიტორიის ე.წ. ხელისუფლება ყველას არ უშვებს თბილისისკენ და ნებართვის გაცემა აღგილობრივი ჯანდაცვის სამინისტროს მიერ ძირითადად „ნაცნობობითა და მეგობრობით“ ხდება, რაც ხშირად აღგილობრივთა უკმაყოფილებას იწვევს. შესაბამისად, ვისაც რუსეთის მოქა-

ლაქეობა აქვს, საქართველოში ყაზბეგი-ლარსის გამშვები პუნქტის გავლით შემოდის.

სამხრეთ ოსეთის დროებითი ადმინისტრაციის ვებსაიტის თანახმად, ოუკი დაფინანსების მოთხოვნაზე, სათანადო განხილვის შემდეგ დასკვნა დადებითი იქნება, ჯანდაცვის სამინისტრო რთავს პაციენტს რევერალურ პროგრამაში, რომელიც გულისხმობს დაფინანსებას 15000 ლარის ოდენობით. საჭიროების შემთხვევაში, პაციენტი სარგებლობს საყოველთაო ჯანდაცვის პროგრამითაც. ეს პროგრამა ვრცელდება საქართველოს ორივე ოკუპირებულ რეგიონზე. სამოქალაქო თანასწორობის საკითხებში სახელმწიფო მინისტრის პაატა ზაქარეიშვილის წლიური ანგარიშის თანახმად, 2013-2014 წლებში სახელმწიფო თრივე მიმართულებით 5 მილიონ ლარზე მეტი დახარჯა (კუნძულია, 2015).

ჩამოსულებს თბილისში მცხოვრები ნათესავები მასპინძლობენ. „მანანა: – „ხშირად ვმასპინძლობ ცხინვალიდან ჩამოსულ ავადმყოფ ნათესავებს. შარშან ერთი დეიდაშვილი იყო ჩამოსული, ორი კვირის წინ კი, მეორე. სიმსიცნე აღმოაჩნდა, მარდალეიშვილის კლინიკაში გაუკეთდა ოპერაცია, დაფინანსება სამხრეთ ოსეთის დროებითი ადმინისტრაციიდან მიიღო. მე ვისაც ვიცხობ, ჩემი ნათესავები, ყველა ცდილობს, რომ, - კბილების პრობლემაა, თუ სხვა სახის პრობლემა, თუ არის საშუალება აუცილებლად ჩამოვიდნენ“ (კუნძულია, 2015).

როგორც ზემოთ აღვნიშნეთ, საქართველოს მთავრობის მიდგომა, რომ ოკუპირებულ რეგიონებში მცხოვრებ მოსახლეობაზეც ვრცელდებოდეს ჯანმრთელობის დაცვის საყოველთაო პროგრამა, მისასალმებელია. აღსანიშნავია, რომ როგორც ქართველი, ისე თსი ექიმების მიმართ მოსახლეობა მაღლიერებას გამოითქვას, ისინი არ არჩევენ ავადმყოფს ეროვნების მიხედვით, ეს არც არასოდეს შეინიშნებოდა ახალგორში. ცხადია, ოსების სამგურნალოდ თბილისში ჩამოსევლას ქართველებისადმი ნდობა განაპირობებს.

გამოყენებული ლიტერატურა:

„ახალგორი“, ახალგორიდან დევნილი მოსახლეობის გაზეთი, №10, 2013.

ბურდული, 2013-2014 – ბურდული მ., 2013-2014 წლების საგელე ეთნოგრაფიული მასალა (ქსნის ხეობაში: ახალგორი; ახმაჯი;

ბოლი; ერედა, იქთო; დევნილთა კომპაქტური დასახლებები: წეროვანი, წილკანი, ფრეზეთი).

ვალიევი, 2015 – ვალიევა ი., გაზეთი „კვირის პალიტრა“, 16-22 მარტი, 2015 წ.

კოტაევა მ., Ленингорский район: политические особенности, демографические характеристики, экономика, пограничные проблемы, Грузино-осетинский конфликт в поисках мира, сб, статей югоосетинских авторов, 2011г.

კუნჭულია, 2015 – კუნჭულია ლ., ცხინვალის შემფოთება: „ხალხი სამჯურნალოდ თბილისში მიდის“, „radiotavisupleba.ge“ 2015, 03.04.

<https://Internet.ge> 19.06.2012; („ცხინვალში კრემლის კურატორების ვიზიტი გახდირდა“)

<https://Internet.ge> 06.07.2012; („რუსეთის დელეგაციამ ახალგორში თათბირი ჩაატარა“)

სტატია დაიწერა შოთა რუსთაველის ეროვნული სამეცნიერო ფონდის პროექტის ფარგლებში

MEDICAL SERVICE OF REMAINED AND DISPLACED POPULATION IN KSANI GORGE

Summary

According to the ethnographical material and data gotten from the medical establishment, the number of psycho- neurological diseases: such as neurosis and depression has greatly increased among the displaced population.

The first years displaced population was taken good care. A lot of programs have worked but now the situation has greatly changed. Only single shares have been held. The brigades of different doctors arrive in compactly populated by internal displaced people places. They examine and treat the sick people. However, medicines are the greatest problem for the population and accordingly for medical establishments. As they say during the first years of displacing, the policlinic had first aid medicines and they were free of charge for patients. But today the situation is different. Internally displaced people have general health insurance like all citizens of Georgia.

Regional policlinic and a hospital take care of the population remained in Akhalgori. By 2011 the hospital was repaired but still it is impossible to get a good medical care. That's why all severe and chronic disease patients are taken to Tbilisi or Mtskheta. They are taken to the Georgian checkpoint by Akhalgori ambulance, then by Tserovani ambulance patients are taken either to Tbilisi or Mtskheta.

All the residents of the occupied territory have got general health insurance. According to official data great part of population from Tskhinvali arrive in Tbilisi for treatment. It should support the trust between Georgians and Ossetians. It should be mentioned that population express its gratitude towards both Georgian and Ossetian doctors.